

正法念處經卷第二十一

寸一

元魏婆羅門瞿曇般若流支譯

畜生品第五之四

爾時毗摩質多羅阿修羅王聞第三地華鬘  
阿脩羅王勇健阿修羅王羅睺阿脩羅王被  
破失力時有阿脩羅語鉢訶婆言軍衆破壞  
無能救者唯汝有力能護彼軍鉢訶婆言汝  
速看彼三阿脩羅王今在何處阿脩羅王言  
今者悉為諸天所破還歸水底住於門下皆  
失勢力遙歸大王娑羅訶婆欲求救護望助

其力羞慚愧恥於門下住不得入城時毗摩  
質多羅鉢訶婆聞是語已語阿脩羅言阿脩  
羅等與天共戰釋迦天主在中不耶阿脩羅  
言未曾來也時鉢訶婆聞是語已即大瞋恚  
眼赤如血奮其身力視阿脩羅作如是言唯  
四天王破壞三地諸阿脩羅令失勢力阿脩  
羅軍無所能為爲彼一天之所破壞我今當  
往破一切天時鉢訶婆阿脩羅王作是語已  
諸阿脩羅皆有威力阿脩羅王勑諸軍衆速  
疾擊鼓我欲自出擊彼天衆令其破壞衰惱

喪滅及帝釋王我獨能破天今破壞阿脩羅衆我不能忍若無我者得言諸天有大勢力我今猶存云何諸天能有大力欲奪我阿脩羅女毗摩質多羅鉢訶婆說此語已擊大戰鼓告諸軍衆速疾莊嚴我今欲往攻彼天衆令阿脩羅衆皆得增長如是勑已即自發起百千輪殿無量千億阿脩羅軍光明如日始發起時一切大地山河乾陀羅山須彌山王皆悉大動乃至善見城天善法堂釋迦天主所坐之處動搖不定時天帝釋作是思惟

我座搖動阿脩羅王必與天鬭是故令我坐處傾動時天帝釋告諸天曰若毗摩質多羅阿脩羅起則園林山谷須彌山王皆悉大動汝等三十三天速疾莊嚴阿脩羅來毗摩質多羅鉢訶婆阿脩羅王發起欲來破壞天衆我今亦自乘伊羅婆那象及諸天衆共詣聞處何以故我不見天衆能與此鉢訶婆毗摩質多羅阿脩羅王共戰時矣帝釋說是語已善見城中善法堂上一切天衆一一天宮所住之處皆悉勑令出善見城往趣毗摩質多

羅鉢訶婆戰聞之處天衆聞已即入質多羅林取種種器仗此質多羅林一切戰具皆悉備有時彼天衆或百或千或千億萬億疾入彼林皆取戰具聲震躁擾如海潮聲逼迫隘闊颶塵滿空如是大衆或有行空有行山崎有行山谷周圍大陣無空缺處復有諸天遊戲林間聞擊鼓聲走趣質多羅林捨於慾樂取衆戰具百千億萬衆一切諸天皆共瞻仰帝釋天王時天帝釋見是天衆皆大歡喜坐衆寶殿其殿嚴麗七寶莊嚴或以光

寶而爲嚴飾或有金色以爲莊嚴或毗琉璃或以玻瓈或以碑榦或以迦羅種種大寶以爲莊嚴或種種摩尼以爲莊嚴寶網羅絡懸衆寶鈴端嚴殊妙如業果報得此勝殿其身光明威德赫奕位次相比間不容人或有住於須彌山峯側滿充遍有住空中百千皆共瞻視釋迦天王伺待天主與阿脩羅王共戰各各籌量設諸方便時天帝釋告御臣曰賢士汝往告彼伊羅婆那六頭白象具足一切大龍功德我乘此象摧阿脩羅是時御

臣受天主教即向如意蓮華池所時伊羅婆那六頭白象與衆群象遊戲池中爾時侍臣告象子曰天主釋迦欲乘寶象摧阿脩羅象子聞已即告寶象伊羅婆那聞其所說即共守者詣御臣所到善法堂侍臣即入白天帝釋天王當知第一寶象今已來至時天帝釋即以憶念化此寶象令有百頭面貌清淨離諸塵垢其一頭皆有十牙皆悉鮮白一一牙端有十華池一一池中有千蓮華一一蓮華有十華臺一一華臺有百華葉一一葉中

有百玉女以五音樂歌舞嬉戲出美妙音無以爲比如是伊羅婆那殊勝寶象帝釋天王之所變化其身廣大一千由旬其色鮮潔純白無比帝釋乘之欲破阿脩羅軍種種妓樂或有歌舞或有戲笑或嘯或吼或有叫喚光明威德端嚴殊妙出善見城諸天見已各乘種種異色寶殿種種器仗以自莊嚴種種妓樂歌舞戲笑喑噫出聲歡喜悅樂見帝釋王喜悅倍前時天帝釋端坐寶象正處其中大功德力之所集成無量天衆周匝圍遶端嚴

比種種天衆皆共圍達三十三天王其明勝於百千日光滿虛空中衆妓樂音充塞遍滿二萬由旬從上而下詣阿脩羅鬪戰之處爾時護世四大天王發聲大叫上昇虛空徃詣天帝釋即於空中遇天帝釋白言天王毗摩質多羅鉢訶婆欲伐諸天一切大海擾亂不定百千衆山皆悉動搖阿脩羅衆奮武遊戲出大怖聲大海魚鼈及小龍子皆失身力小羅刹鬼毗舍遮鬼無量衆生喪失身命波羅摩梯非法惡龍歡喜踊躍吼如雷震婆脩

吉德叉迦等法行龍王愁悴自守毗摩質多阿脩羅王從水下出六萬真金須彌樓山皆悉震動一切衆生心皆法弱變持天常恣意天迦留足天三笠簇天心皆惶怖怯弱不安遣我來至大天王所天王當作何等方便如是我以破彼三地阿脩羅軍羅睺阿脩羅王華鬘阿脩羅王勇健阿脩羅王百千共戰悉已破壞帝釋聞已告護世言我已先知毗摩質多羅鉢訶婆起欲惱天我今欲下摧破阿脩羅軍救護諸天我爲法護爲法所救脩行

於法法爲勝幢求法樂法不樂非法我以如是功德能破彼軍我則得勝無勝我者莫生怖畏我今將大軍衆到阿脩羅所莫生怯弱所以者何閻浮提人孝養父母恭敬沙門婆羅門耆舊長宿知恩報恩順法脩行守護正法喜樂正法信奉正法供養沙門知業果報於六齋日齋戒自守布施持戒脩福習智我常憶念順法脩行受行法戒彼阿脩羅無有法行是故於彼阿脩羅所無少畏心時天帝釋說是語已徃詣琉璃山頂四天王天所

住之處時天帝釋見四天王告諸天衆此護世四天來集此處欲破阿脩羅軍時護世天白帝釋言此諸天衆天王所攝天王所護依止天王不畏阿脩羅及其軍衆如是說已時三十三天皆大歡喜讚天王言天王常勝天衆常勝既讚歎已到四天王所時天帝釋所將天衆無量百千宮殿圍遶乘伊羅婆那大白象王如上所說其身殊妙七寶光燄赫若電光滿虛空中無量音樂震吼之聲充滿十方百千天衆歡喜圍遶須彌山犍闥婆衆

莊嚴諸天仙聖歌頌無比讚歎共相娛樂自  
善業果受第一樂時四天等見帝釋下皆大  
歡喜時天帝釋告四天言我今至此欲破阿  
脩羅勿怖勿怖諸天大眾悉集來此時四天  
衆聞已歡喜白言天王我已獨能破阿脩羅  
况天王來大眾皆集我依天王於阿脩羅無  
少畏心說是語已即達帝釋於一面住觀毗  
摩質多羅阿脩羅王羅睺阿脩羅王勇健阿  
脩羅王華蔓阿脩羅王軍身著諸天金剛鎧  
甲手執種種兵刃武器欲摧阿脩羅軍心念

不息住種種寶莊嚴殿上法行龍王婆脩吉  
德叉迦等心欲鬪戰住在一面瞻仰帝釋隨  
其教勑即當奉行共觀水下時四阿脩羅王  
忽然直出一切軍衆無量千億皆共圍達參  
執種種鬪戰之具直前而進不顧左右無量  
百千億大眾圍遶一切須彌留山皆悉震動  
一切阿脩羅中其力最勝善解無量鬪戰之  
術從水下出猶如第二須彌山王與鉢摩羅  
等非法惡龍而自圍遶毗摩質多羅鉢訥婆  
來至戰場諸天大眾遍虛空中阿脩羅軍滿

大海上欲共天衆興大戰鬪各自思惟欲觀  
鬪戰於一面住時四天王德又迦婆脩吉等  
白帝釋言天王阿脩羅軍在我前住天王何  
故不勑我等與彼共戰時天帝釋告諸天衆  
及諸龍衆我今當遣護世四天下閻浮提觀  
諸衆生孝養父母恭敬沙門婆羅門順法脩  
行則能破壞阿脩羅軍天爲法護依止於法  
依法增長天亦增長法損減故天衆亦減我  
今遣汝詣閻浮提到人世界如是說已即勑  
四天汝速往閻浮提觀諸衆生若有順法孝

養父母恭敬長宿供養沙門齋戒自守布施  
持戒不行放逸隨順正法時四護世聞是語  
已如射箭頃至閻浮提一一住處一一村落  
一一城邑一一軍營一一交道一一國土一  
切觀察孝養父母供養沙門婆羅門耆舊長  
宿皆遍觀察見閻浮提人順法脩行孝養父  
母供養沙門婆羅門耆舊長宿如法脩行見  
是事已心生歡喜如射箭頃到帝釋所心喜  
踊悅白天王言甚可慶悅釋迦天王閻浮提  
人順法脩行孝養父母恭敬沙門婆羅門耆

舊長宿布施脩德增長天衆減損阿脩羅軍  
帝釋聞已甚大歡喜告護世言一切天衆應  
生歡喜我今破壞阿脩羅軍我今破壞阿脩  
羅軍閻浮提人多脩福故天衆聞已皆大歡  
喜身力轉增過先十倍白言天王何故而住  
何故而住我以天王威勢力故破彼怨敵令  
天得勝時天帝釋告婆脩吉德又迦等諸龍  
王曰汝速走趣鉢摩梯等非法龍所莫往毗  
摩質多羅阿脩羅軍時婆脩吉德又迦聞是  
語已即疾往趣阿脩羅伴鉢摩梯等非法龍

所雨大猛火時毗摩質多羅鉢訶婆即遣鉢  
摩梯放大熾電一切惡龍身上火然受大苦  
惱尋復破壞走趣阿脩羅軍作如是言各各  
異軍不可勝彼大衆皆當和合共鬪天乃可  
破作是語已即復走向婆脩吉德又迦所時  
法行龍婆脩吉見彼惡龍語德又迦言彼以  
惡心瞋恚而來我當爲之而作衰惱令不復  
來若不加彼數數如是惱亂我等作是語已  
時德又迦即走往趣鉢摩梯所於虛空中雨  
大猛火放諸煙炎燒彼惡龍既被燒已尋便

退走奔趣阿脩羅所望救生命羅睺阿脩羅王見是事已作如是言此龍破壞退來至此汝等何故捨之而住作是語已奮力而走時迦留足天見羅睺阿脩羅來亦走往趣交軍合戰甚可怖畏如惡嶮岸諸小阿脩羅住於海中皆悉聾塞十一或有恐怖喪其身命空中雨刀逼追駛下百千萬數如是鬪時若天被害復如是無所患苦色相不異妙色具足唯除斬首及斷半身天阿脩羅互相怨敵如是鬪

戰若阿脩羅爲天所害斷則不生亦如人法受諸苦痛非如天法時迦留足天與羅睺阿脩羅軍如是大戰時迦留足天復取無量大山雨阿脩羅軍時阿脩羅軍分散破壞爲百分羅睺阿脩羅王見其軍衆悉破壞已即取大山廣三百由旬走向天衆時迦留足天見已手執弓仗亦走往趣以箭射山碎如沙末墮大海中虛空雨刀時阿脩羅見是事已畜生心故少勇怯弱走向勇健阿脩羅軍勇健阿脩羅王見其退還告軍衆言此羅睺王

空有大身無有少力爲天所壞走來奔軍欲  
望救護如凡阿脩羅等無有異以無力故若  
有力者則以此身必能獨破一切天衆是身  
如第二須彌山王此迦留足天第一勇健能  
與如是大身共鬪而不破壞作是語已即與  
陀摩睺衆走趣迦留足天欲共鬪戰時天見  
寸一  
已即告鬱持天言速來速來今勇健阿脩羅  
王將大軍衆來向我所時鬱持天聞是語已  
即復疾走向勇健羅睺阿脩羅所羅睺復與  
勇健阿脩羅牢自莊嚴迴向天衆欲與迦留

足天相撲共鬪念本宿怨擲大山石與兩刀  
箭種種器仗及擲大樹滿虛空中間無空處  
不復相見百千共鬪無等鬪戰諸天身分壞  
已復生亦如上說阿脩羅軍被斬不生亦如  
人法諸天軍衆唯除斬首命則不全若斷中  
腰亦復如是是時天衆少有減損阿脩羅衆  
多有喪滅時阿脩羅被天破已餘殘軍衆還  
退水下欲望救護天衆大叫阿脩羅軍聞其  
叫聲皆失威力微命自存羅睺勇健走還本  
城於門下住時第三地華鬘阿脩羅王見羅

睂勇健爲天所破告軍衆曰我軍悉來當與天戰我有大力天何所能作是語已即與其軍走趣天衆及羅睂勇健阿脩羅軍餘殘相率還與華髮鬱俱詣天衆共相謂言何故妄稱阿脩羅王而自退走既自無力又無刀戟善巧戰敵設得至宮毀辱妻子說是語已氣力還增身如大山手執兵器走速如風復向天衆欲與天戰時天使者及髮持天常恣意天迦留足天等皆共籌量一切阿脩羅皆共和集欲來我所自恃己力而生惰慢不知天力

說是語已走趣阿脩羅即共大闖上兩大山或雨大石雨刀雨戟共相擒撲無量相殺無量逼迫無量相打無量喪命遍大海上無量種闖無法可喻龍衆共龍無量種闖時天帝釋見是事已告三十三天言速疾莊嚴一切阿脩羅衆今皆來此除鉢訶婆我當乘伊羅婆那白象與鉢訶婆闖時天帝釋告諸天已語伊羅婆那白象王言我今乘汝破毗摩質多羅阿脩羅王及其軍衆作是語已手執金剛遍觀阿脩羅勢力誰勝見天得勝阿脩羅

軍退沒不如天見阿脩羅破壞退走皆大歡喜天王帝釋怡悅喜樂時鉢訶婆見是事已作是思惟三地無量億阿脩羅衆鬪戰失力皆已破壞如前於一切觀池所見無異如實不虛我今當往破天帝釋壞彼諸天說此語頃天衆已至水底門下時毗摩質多鉢訶婆生大瞋恚諸山搖動大海涌波日光山頂皆作赤色及其軍衆住於水底見諸天衆破羅睺等阿脩羅軍走趣水下無力無救一切擾亂天大唱叫一切阿脩羅皆悉失力互相謂

言我今無力無有救護有阿脩羅言勿怖勿怖還迴勿走說是語時即雨山峯遍打阿脩羅軍天大歡喜唱如是言捉阿脩羅捉阿脩羅殺此非法惡行畜生常惱我等不能鬪戰怯如烏鵲無勇健志不善刀戟如是好破令不復迴此阿脩羅諍鬪不知時節如是天衆各各歡喜向阿脩羅欲加打害瞋恚目赤猶如絳色兩刀兩戟又兩大火猶如秋月降注大雨如是破壞阿脩羅衆時鉢訶婆阿脩羅王坐百千輪行殿之上與無量億阿脩羅衆

而自圍遼兩種種刀戟手接大山或一由旬乃至五由旬向於天衆時羅睺阿脩羅等見是事已氣力還生復迴欲鬪時鉢訶婆安慰之言勿怖勿怖我今來此破一切天喪滅摧壞汝莫怖畏阿脩羅王勿怖勿怖若至本宮於已妻所云何自稱我是丈夫而無膽勇虛稱丈夫時鉢訶婆說是語已走趣天衆諸天見之亦疾往趣天與阿脩羅合陣大戰大聲震吼滿須彌留山川谿谷時羅睺阿脩羅王走趣迦留足天勇健阿脩羅王手執大戟走

趣髮持天華髮阿脩羅王手擎大山廣三由旬走趣三空筏天及天使者如是大戰一切衆生聞說毛豎何況覩見時鉢訶婆阿脩羅王復欲調伏摧壞諸天如風吹雲自恃大力不懼天衆時四大天王如是被惱至三十三天白帝釋言天衆獨鬪將爲阿脩羅之所破壞天王速去莫令天衆散滅毀壞畜生得勝天王速去速去除善法堂餘一切天皆當速去三十三天聞是語已一切天衆皆悉疾往鉢訶婆毗摩質多所爾衆刀箭鉢訶婆於三

十三天衆上雨大石山滿虛空中一切和合吼叫大鬪各各自謂我軍得勝如是鬪戰百千山合互相打觸碎爲微塵於虛空中滿千由旬此塵雲中遍互雨箭雨山猶如秋雨無量億阿脩羅衆喪滅不還諸天衆中無量千人天命喪壽怯弱阿脩羅等爲護命故走入本宮敗軍之餘既入城中已阿脩羅衆諸婦女等來問之言我夫今者爲何所在阿脩羅答言阿脩羅軍與天共鬪破壞大衆皆大歡喜欲來不久時阿脩羅諸婦女等即向一切

<sup>十一</sup>觀池觀阿脩羅軍見天得勝阿脩羅軍敗散破壞死屍狼藉百退千退諸女見已悲塞懊惱却坐於地啼泣悲哭心大苦惱遶池而住椎脣大叫自拔頭髮舉手拍身眼中流淚時諸婦女於池水中見夫死已憂悲大苦天阿脩羅如是共鬪如是大惡鉢訶娑阿脩羅王與無量億阿脩羅而自圍遶來向帝釋帝釋見已告諸天衆此阿脩羅今來我所欲共鬪戰難可調伏我於法伴當破彼軍如明除闇說是語已乘伊羅婆那白象王其走速疾猶

如射箭善法天衆而自圍遠從上而下直向  
阿脩羅軍拔大樹林擲其軍上又擲大石或  
雨大箭向鉢訶婆時鉢訶婆乘大輪殿攻帝  
釋王時天帝釋語鉢訶婆汝爲畜生住非法  
道欲何所至吾當壞汝令汝退還走入水下  
十一  
時毗摩質多羅鉢訶婆語天主言我今破汝  
及諸天衆時毗摩質多羅鉢訶婆接大金山  
廣五百由旬擲天帝釋時伊羅婆那白象王  
以鼻接取還打鉢訶婆阿脩羅會令其傾動  
三十三天見是事已揚聲大叫唱言畜生天  
王破汝白象打汝令汝傾動何況帝釋手放  
金剛作是語已一切天衆走向阿脩羅軍有  
取大石有取大樹有取大山有執大戟有執  
大稍有震雷電霹靂起火有執犁具或有相  
撲有執刀輪或有執刀有行虛空有執弓箭  
有執圍山有相擒柯有順法闡有相道理或  
有指授有多巧偽有以火闡或有水闡或有

廣五百由旬擲天帝釋時伊羅婆那白象王  
以鼻接取還打鉢訶婆阿脩羅會令其傾動  
三十三天見是事已揚聲大叫唱言畜生天  
王破汝白象打汝令汝傾動何況帝釋手放  
金剛作是語已一切天衆走向阿脩羅軍有  
取大石有取大樹有取大山有執大戟有執  
大稍有震雷電霹靂起火有執犁具或有相  
撲有執刀輪或有執刀有行虛空有執弓箭  
有執圍山有相擒柯有順法闡有相道理或  
有指授有多巧偽有以火闡或有水闡或有

注流或一切鬪或有闇鬪或有幻鬪或以鋸  
鬪或用爪鬪或以殿輪或以聲叫聞者不忍  
或以腳踏或以手鬪如是種種器仗身皆具  
足一切天衆在帝釋前向阿脩羅時鉢訶婆  
羅睺王等見諸天衆執種種器仗共鉢訶婆  
向帝釋所時諸天衆見四阿脩羅王向帝釋  
所即自莊嚴以助天王時天帝釋自觀天衆  
告阿脩羅曰汝等畜生云何如是癡無所知  
一切阿脩羅力不及一天之力獨我一天能  
破汝軍何以故天有法力汝無法力法以非

法相去懸絕譬<sup>一</sup>如日光比於闇冥如以實語  
比於妄談如以須彌山比於衆山如以解脫  
比於繫縛如以利益比於衰損如以善友比  
於怨家如以甘露比於毒藥如以白日比於  
昏夜如以僞珠比於真寶如以巨富比於貧  
窮猶如行使<sup>二</sup>比安住者如以螢火比於日光  
如無足者欲比猛風相去懸遠如以盲人比  
明眼者如以嶮路比平坦道如以外道比於  
如來猶如虛空比於土地如以一念欲比一  
劫汝之與我相去懸殊亦復如是汝不順法

我則敬重汝便愚癡我有智慧汝不脩福天  
脩福行汝是畜生我爲淨天如是知己汝則  
不應與吾共戰說是語已即現去相令伊羅  
婆那向阿脩羅伽陀頌曰  
法能破非法 實語破虛妄 智慧破愚癡  
天破阿脩羅

爾時帝釋說是語已化伊羅婆那如前所說  
向阿脩羅軍速過疾風手執千刃金剛怖阿  
脩羅不以殺心時阿脩羅見天帝釋亦走往  
趣時四天王三十三天亦各疾走天與阿脩

羅交陣大戰皆望得勝互相攻伐天阿脩羅  
有被傷害沒命而死或有怯弱退走還歸有  
住觀視有心念歸或有瞋恚復癡亂或有  
怖畏時天帝釋即作變化令阿脩羅見伊羅  
婆那白象王一一頭上有千帝釋皆以手執  
千刃金剛種種器仗衆蓮華池亦如前說於  
十一十五華池中見無量千帝釋天王伊羅婆那化爲  
千頭一一頭上有千浴池一一池中有千蓮  
華一一蓮華有百華臺一一華臺各有千葉  
象頭華臺有百千億帝釋天王億那由他種

種武器金剛寶劍間無空處時阿脩羅見是化已怖畏迷設作是念言帝釋天王遍一空中間無空處手執種種刀戟器仗身力無量種種刀仗滿虛空中間無空處遍於十方悉其水下天帝軍衆亦滿其中時阿脩羅士天怖畏各共相告鉢訶婆言阿脩羅勿怖勿怖我能伏彼帝釋天王伊羅婆那說是語世天走徃趣伊羅婆那大龍象王時伊羅婆沙印時以鼻捉阿脩羅於虛空中迴旋轉之如人弄鈴垂死乃放象既放已得少蘇息語阿脩

羅云一人云何能破帝釋今當一切盡共攻之時四阿脩羅王復走向伊羅婆那帝釋見已放金剛雹打阿脩羅欲令退散非爲奪命時阿脩羅以無量大山刀劍矛矟雨天王上如夏降雨注天三身端嚴無患如是天王與阿脩羅無量大鬪餘天見已走趣阿脩羅軍阿脩羅軍馳趣天衆互相鬪戰無量惱害無量衆生見者大怖無等燒亂如是大戰天阿脩羅王及其軍衆互相攻伐無量器仗堅如金剛共合鬪戰時天帝釋雖見無量阿脩羅

衆在其前住而不奪命但欲破彼阿脩羅衆令退無餘時鉢訶婆毗摩質多羅阿脩羅王及其軍衆退散敗走以求救護求歸依處歸大海下向門而走喪失勢力毗摩質多羅鉢訶婆乘百千輪殿以為却敵令三阿脩羅王十一在前而走怖畏苦惱時天帝釋告伊羅婆那白象王言速疾逐彼毗摩質多羅彼以慢心自言大力汝今速往破其所乘百千輪殿大仙所說不殺生戒是涅槃道此言真實衆生愛命勿斷其命汝速至彼破其輪殿為百千

分伊羅婆那聞是勑已以變化身疾於迅風至大海下鉢訶婆毗摩質多羅見已怖畏在大海底向門疾走無力能進伊羅婆那以大勢力到其所已手執其輪令鉢訶婆墜墮殿下接令離殿現對其前碎其大殿如摧朽草時華鬘阿脩羅王皆失勢力命垂欲絕憶念妻子走趣門下勇健阿脩羅王亦復逃奔走趣水下向門而走以求自救羅睺阿脩羅王亦復逃遁走趣水下望自救命雖有大身悉無氣力是時天衆見阿脩羅悉破壞已歡喜

而言阿脩羅等鬪戰得報破壞退走天見是事作如是言我等當往至其門下觀被破阿脩羅時天疾往走向水下阿脩羅被破猶如猛風吹破浮雲天帝見已語阿脩羅言汝以何故自爲此惡令無量阿脩羅衆喪失軀命沒與諸天共爲怨敵無少利益今閻浮提人順法脩行以人脩善天有勝力人行不善天則破壞汝不知時不知方處與我怨敵無所利益汝欲伐天自得衰害時阿脩羅聞是語已復入水下以求生命時天帝釋勑諸天衆

可迴可迴阿脩羅軍皆失氣力唯有微命放之令去還本所止時諸天衆白天王言此阿脩羅不可調伏不知自力不審他力我等今可復更破壞阿脩羅衆令不復迴我於天中自業受樂於阿脩羅不生惱害此阿脩羅云何於他順法行人而欲衰惱我不報怨終不迴也說是語已手執種種器仗刀戟速疾走趣阿脩羅軍加以怖畏令其破壞而不殺害時天帝釋起悲愍心於鉢訶娑恐其怖死告諸天衆汝等無慈悲心說是語已與善法堂

一切天衆還向天宮時四大天王見帝釋還告三十三天衆言天王既還汝亦可迴既得勝力皆各歡喜悉還本宮天王帝釋乘伊羅婆那白象王三十三天歌頌讚歎詣第二天昇善法殿及餘天衆皆入本宮悉捨甲冑置雜殿牀伊羅婆那捨於化身還復本形入蓮華池如是到天世界受五欲樂五欲功德共相娛樂遊戲林池婆脩吉龍王德叉迦龍王等破阿脩羅既得勝已心懷歡喜還戲樂城阿脩羅軍被破餘殘身體毀壞羞愧低頭諸

婦女等憂惱愁悴向阿脩羅羅睺阿脩羅語諸被破阿脩羅言我先不語汝等非是與天共戰鬪時人順正法孝養父母恭敬沙門婆羅門耆舊長宿增長天衆減損阿脩羅我說是語不隨我言是故今日得此惡果今天殺害無量衆生有阿脩羅語羅睺言實如所言不用王言非時而鬪是故今得如是惡果陀摩睺阿脩羅言以業欲熟令我不迴生如是意得此惡果如是遍互說已還於自地毗摩質多羅到第四地入其本城甚大羞恥憂悴

低頭嫁女圍邊憂憤憔悴鉢摩梯等非法惡龍喪失氣力還戲樂城如是愛毒破壞衆生互相加害流轉世間無有少樂賢聖弟子如

是觀已得離欲意復次脩行者內觀於法隨

順脩行此比丘如是觀已得十七地心常樂

觀第一實諦爾時地神夜叉見已歡喜告虛

空神虛空夜叉聞已歡喜告護世天如是展

轉乃至少淨天皆說是言閻浮提中有善男

子住某聚落名字某甲以信出家剃除鬚髮

被服袈裟離魔境界不樂煩惱厭捨生死作

是觀已得離欲人第十七地諸天聞已皆大歡喜作如是言如此比丘天中之大損滅魔衆增益諸天

## 正法念處經卷第二十一

寸一

十九

### 音釋

崎資晉  
切

惻  
切

初力切

喑噫  
切

鄒感  
切

聚

也氣  
鎧  
鍔

苦亥  
鎧  
鍔

切

聾塞  
塞蘇  
刺

切

駛

也懊農  
懊  
烏皓

切懷  
懷乃  
老切

肖斯

急  
疾

切疾

對

切心  
乳也

永樂北藏

正法念處經

第六三冊